

ლანჩხუთის მუნიციპალიტეტის საკრებულოს  
ფრაქცია „ძალა ერთობაშიას“ სხდომის ოქმი №2

ქ.ლანჩხუთი

27.01.2020 წელი

სხდომას ესწრებოდა: ფრაქცია „ძალა ერთობაშიას“ თავმჯდომარე კახაბერ ასკურავა.  
ფრაქციის თავმჯდომარის მოადგილე: იოსებ ჩხაიძე. ფრაქციის თავმჯდომარის მდივანი  
ლელა ჩახვაძე.

ფრაქციის თავმჯდომარემ კახაბერ ასკურავამ სხდომას გააცნო დღის წესრიგის პროექტი:

1. ლანჩხუთის მუნიციპალიტეტის საკრებულოს ფრაქცია „ძალა ერთობაშიას“  
თავმჯდომარის წერილის განხილვა.

/მომხსენებელი კახაბერ ასკურავა/

2. ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ ფრაქციის  
თავმჯდომარის არჩევის შესახებ.

/მომხსენებელი იოსებ ჩხაიძე/

3. ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ ფრაქციის  
მდივნის არჩევის შესახებ.

/მომხსენებელი ლელა ჩახვაძე/

4. ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ წესდებაში და  
პლატფორმაში ცვლილების შეტანის შესახებ.

/მომხსენებელი ლელა ჩახვაძე/

5. სხვადასხვა.

ფრაქციის თავმჯდომარემ კახაბერ ასკურავამ კენჭი უყარა დღის წესრიგის პროექტს:

მომხრე 3, წინააღმდეგი არცერთი

**დღის წესრიგის პირველ საკითხზე**– ფრაქციის თავმჯდომარემ კახაბერ ასკურავამ აღნიშნა, რომ პირადი განცხადების საფუძველზე ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ წესდების მე-6-ე მუხლის მე-3-ე პუნქტის შესაბამისად) ტოვებს ფრაქციის თავმჯდომარის თანამდებობას, რაც ცნობად იქნა მიღებული ფრაქციის წევრების მიერ.

**დღის წესრიგის მეორე საკითხებზე**– ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ მოადგილემ იოსებ ჩხაიძემ დააყენა საკითხი ფრაქციის თავმჯდომარის არჩევის შესახებ. ფრაქციის წევრებმა იოსებ ჩხაიძემ და კახაბერ ასკურავამ ფრაქციის თავმჯდომარის კანდიდატად დაასახელეს ლელა ჩახვაძე.

ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ მოადგილემ იოსებ ჩხაიძემ კენჭი უყარა აღნიშნულ საკითხს.

**მომხრე 3, წინააღმდეგი არცერთი.**

**ფრაქციამ მიიღო გადაწყვეტილება:** ფრაქციის თავმჯდომარედ ლელა ჩახვაძის არჩევის შესახებ.

**დღის წესრიგის მესამე საკითხებზე**– ფრაქციის თავმჯდომარე ლელა ჩახვაძემ აღნიშნა, რომ ვინაიდან ის ფრაქციის თავმჯდომარედ იქნა არჩეული საჭიროა არჩეულ იქნას ფრაქციის მდივანი. ფრაქციის წევრების მიერ მდივნის პოზიციაზე დასახელდა კახაბერ ასკურავა.

ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ თავმჯდომარემ ლელა ჩახვაძემ კენჭი უყარა აღნიშნულ საკითხს.

**მომხრე 3, წინააღმდეგი არცერთი.**

**ფრაქციამ მიიღო გადაწყვეტილება:** ფრაქციის მდივნად კახაბერ ასკურავას არჩევის შესახებ.

**დღის წესრიგის მეოთხე საკითხზე**– ფრაქციის თავმჯდომარემ ლელა ჩახვაძემ დააყენა ინიციატივა ფრაქციის სახელწოდების ცვლილებასთან დაკავშირებით. კერძოდ: ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ ნაცვლად ეწოდოს ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობა“, რაც გამოიწვევს წესდებაში და პლატფორმაში ცვლილების შეტანას. ასევე წესდებაში შევიდეს ცვლილება და მე-6 მუხლის მე-10-ე პუნქტის ა) ქვეპუნქტს დაემატოს ა)<sup>1</sup> ქვეპუნქტი. კერძოდ: ასრულებს ფრაქციის თავმჯდომარის მოვალეობას მისი პირდაპირი დავალებით;

ლანჩხუთის მუნიციპალიტეტის საკრებულოს ფრაქცია „ძალა ერთობაშიას“ თავმჯდომარემ ლელა ჩახვაძემ კენჭი უყარა აღნიშნულ საკითხს.

**მომხრე 3, წინააღმდეგი არცერთი.**

**ფრაქციამ მიიღო გადაწყვეტილება:** ფრაქციას ეწოდოს ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობა“ და წესდების მე-6 მუხლის მე-10-ე პუნქტის ა) ქვეპუნქტს დაემატოს ა)<sup>1</sup> ქვეპუნქტი.

ამით ფრაქციის სხდომამ მუშაობა დაასრულა.




ლელა ჩახვაძე



ფრაქციის თავმჯდომარე  
ფრაქცია „ერთიანი ნაციონალური მოძრაობა“

ლანჩხუთის მუნიციპალიტეტის საკრებულოს ფრაქცია „ ძალა ერთობაშია“ წევრთა  
დასწრების სარეგისტრაციო ფურცელი

27 იანვარი 2020 წელი  
12.00 საათი

№	სახელი, გვარი	გამოცხადების დრო	ხელმოწერა
1	კახაბერ ასკურავა	11:40	
2	იოსებ ჩხაიძე	11:55	
3	ლელა ჩახვაძე	11:55	

## ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ პოლიტიკური პლატფორმა

ლანჩხუთის მუნიციპალიტეტის საკრებულოს (შემდგომში-საკრებულო) ფრაქცია „ერთიანი ნაციონალური მოძრაობა“ (შემდგომში-ფრაქცია) არის საკრებულოს საქმიანობის კოორდინაციის მიზნით შექმნილი საერთო პოლიტიკური შეხედულებისა და ინტერესების მქონე საკრებულოს წევრთა ნებაყოფლობითი გაერთიანება.

ფრაქცია „ერთიანი ნაციონალური მოძრაობა“ საკრებულოს საქმიანობის ფარგლებში ითანამშრომლებს ყველა იმ პოლიტიკურ ძალასთან, რომელიც გაიზიარებს ფრაქციის სამოქმედო სტრატეგია და პრიორიტეტებს.

ფრაქცია აერთიანებს ლიბერალური მსოფლმხედველობის მქონე საკრებულოს წევრებს ვისაც ფუნდამენტურ ფასეულობებად მიაჩნია ადამიანის უფლებებისა და თავისუფლების ხელშეუვალობა, კანონის უზენაესობა, პლურალიზმი, კერძო საკუთრებაზე დამყარებული თავისუფალი საბაზრო ეკონომიკა და ძლიერი სამოქალაქო საზოგადოება.

ფრაქცია „ერთიანი ნაციონალური მოძრაობა“


- სოციალური და ინფრასტრუქტურის საკითხებზე სხვადასხვა ინიციატივებით შევიდეს მუნიციპალიტეტის საკრებულოში.
- მნიშვნელოვანია ამომრჩევლებთან კომუნიკაცია, მათი ჩართულობის უზრუნველყოფა და საკრებულოს საქმიანობის გამჭვირვალობა.
- ესწრაფვის შეზღუდული შესაძლებლობის მქონე პირთა, უმწეოთა, უსახლკაროთა და სოციალურად დაუცველთა მხარდასაჭერი მუნიციპალური პროგრამების ამუშავებასა და დაფინანსებას.
- ხელს შეუწყობს საკრებულოს, მისი ორგანოებისა და თანამდებობის პირების საქმიანობის საჯაროობას და მათ მიერ გადაწყვეტილებების მიღების პროცესში მოქალაქეთა ჩართვას, ღია თვითმმართველობის შექმნას.
- განახორციელებს სამოქალაქო ინიციატივების ხელშეწყობასა და სამოქალაქო საზოგადოების განვითარებისათვის საჭირო გარემოს შექმნას.
- მნიშვნელოვან პრიორიტეტად მიიჩნევს განათლებისა და კულტურის სფეროს, ლანჩხუთის მუნიციპალიტეტში სკოლამდელი და სკოლისგარეშე აღზრდის დაწესებულების ქსელისა და პრესტიჟის გაზრდას.
- ხელს შეუწყობს ლანჩხუთის მუნიციპალიტეტის თვითმყოფადობას, შემოქმედებითი საქმიანობის, კულტურული მემკვიდრეობისა და ადგილობრივი მნიშვნელობის კულტურის ძეგლთა მოვლა-შენახვას.
- მხარს უჭერს ლანჩხუთის მუნიციპალიტეტში ეკოლოგიურად უსაფრთხო გარემოს შექმნას და დაცვას.

ამ და სხვა მიმართულებით ფრაქცია „ერთიანი ნაციონალური მოძრაობა“ შეიმუშავებს და საკრებულოში წარმოადგენს შესაბამის წინადადებებსა და ადმინისტრაციულ-სამართლებრივ პროექტებს.

ფრაქციის თავმჯდომარე:

მოადგილე:

მდივანი:

The image shows three handwritten signatures in blue ink. The first signature is positioned above the 'ფრაქციის თავმჯდომარე:' label. The second signature is positioned above the 'მოადგილე:' label. The third signature is positioned above the 'მდივანი:' label. The signatures are stylized and somewhat abstract.

## **ლანჩხუთის მუნიციპალიტეტის საკრებულოს**

### **ფრაქცია „ერთიანი ნაციონალური მოძრაობის“**

#### **წესდება**

#### **მუხლი 1. ზოგადი დებულებანი**

1. ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობა“ (შემდგომში ფრაქცია) არის საერთო პოლიტიკური შეხედულების მქონე საკრებულოს წევრთა ნებაყოფლობითი გაერთიანება, რომელიც იქმნება საკრებულოში მათი საქმიანობის კოორდინაციის მიზნით.
2. ფრაქციის შექმნისა და საქმიანობის სამართლებრივი საფუძველია საქართველოს კონსტიტუცია, საქართველოს ორგანული კანონი „ადგილობრივი თვითმმართველობის კოდექსი“, საკრებულოს დებულება (რეგლამენტი) და სხვა შესაბამისი ნორმატიული აქტები.
3. ფრაქცია შედგება საკრებულოს 3 (სამი) წევრისგან.
4. ფრაქციის იურიდიული მისამართი ქ. ლანჩხუთის, კოსტავას ქ. #37.
5. ფრაქციის თავმჯდომარეა ლელა ჩახვამე.

#### **მუხლი 2. ფრაქციის მიზნები და ამოცანები**

ფრაქციის მიზნები და ამოცანები:

ა) მონაწილეობა მიიღოს საკრებულოს საქმიანობის სრულყოფაში;

ბ) ხელი შეუწყოს საკრებულოს წევრთა შესაძლებლობების მაქსიმალურად გამოვლენასა და მათი აქტიურობის გაზრდას, ასევე მათ მიერ საკრებულოს დებულების (რეგლამენტის) მოთხოვნათა შესრულებასა და საკრებულოს ქცევის სტანდარტების დაცვას;

გ) გამოხატოს ფრაქციის შეჯერებული აზრი საკრებულოს უფლებამოსილებას მიკუთვნებულ საკითხების განხორციელებაში;

დ) განახორციელოს ფრაქციის პოლიტიკური პლატფორმა.

#### **მუხლი 3. ფრაქციის ძირითადი უფლებამოსილებები**

1. საკრებულოს ფრაქციას უფლება აქვს:

ა) მიიღოს გადაწყვეტილება საკრებულოს სხდომაზე განსახილველი საკითხის შესახებ ფრაქციის ერთიანი პოზიციის გამოხატვისა და სხდომაზე მომხსენებლის დანიშვნის თაობაზე;

ბ) მიიღოს გადაწყვეტილება ფრაქციების კოალიციასთან ან სხვა ფრაქციასთან გაერთიანების, ფრაქციის გაუქმების, ფრაქციის წესდებაში ცვლილებებისა და დამატებების შეტანის შესახებ;

გ) ფრაქციის წესდებით დადგენილი წესით აირჩიოს და გადაირჩიოს ფრაქციის თანამდებობის პირები;

დ) მიიღოს გადაწყვეტილება ფრაქციის საქმიანობის საკითხზე;

ე) წარადგინოს კანდიდატები საკრებულოს თანამდებობის პირთა არჩევით თანამდებობაზე;

ვ) მოამზადოს და საკრებულოს განსახილველად წარუდგინოს საკრებულოს მიერ მისაღები სამართლებრივი აქტების პროექტები;

ზ) მოითხოვოს ცალკეული საკითხების საფუძვლიანად შესწავლის მიზნით დროებითი სამუშაო ჯგუფის შექმნა;

თ) შეკითხვით მიმართოს საკრებულოს მიერ შექმნილ ორგანოებსა და საკრებულოს წინაშე ანგარიშვალდებულ თანამდებობის პირებს;

ი) საკრებულოს კომისიაში და საკრებულოს სხდომაზე გამოთქვას თავისი მოსაზრება საკრებულოს მიერ ასარჩევ, დასანიშნ, დასამტკიცებელ ან იმ კანდიდატურის თაობაზე, რომლის დანიშვნაზეც თანხმობას იძლევა საკრებულო;

კ) წელიწადში ერთხელ, საკრებულოს ბიუროს მიერ დამტკიცებული გრაფიკის შესაბამისად, საკრებულოს სხდომაზე გააკეთოს ფრაქციის თითო საათიანი მოხსენება;

ლ) გამოაქვეყნოს თავისი თვალსაზრისი და მიმართოს საკრებულოს საინფორმაციო საშუალებებში.

მ) ისარგებლოს საქართველოს კანონმდებლობითა და ამ დებულებით (რეგლამენტით) გათვალისწინებული სხვა უფლებებით.

2. ფრაქციის მიერ კომისიაში ან დროებით სამუშაო ჯგუფში წარდგენილი საკრებულოს წევრის ფრაქციიდან გასვლის ან გარიცხვის შემთხვევაში, ფრაქციას უფლება აქვს თავისი კვოტის შესაბამისად ამ კომისიაში ან დროებით სამუშაო ჯგუფში წარადგინოს ფრაქციის წევრის ახალი კანდიდატურა.

3. ფრაქცია ნებისმიერ დროს შეუძლია შეცვალოს მის მიერ წარდგენილი წევრი ფრაქციის სხვა წევრით, რის შესახებაც წერილობით აცნობებს შესაბამისი კომისიის ან/და დროებითი სამუშაო ჯგუფის თავმჯდომარეს.

4. ფრაქციის წარმომადგენლობათა რაოდენობა საკრებულოს კომისიებში და დროებით სამუშაო ჯგუფებში (გარდა ინტერფრაქციული ჯგუფისა), განისაზღვრება ფრაქციაში გაერთიანებულ წევრთა რაოდენობის პროპორციულად. ფრაქციების პროპორციული წარმომადგენლობის კვოტებს ადგენს საკრებულოს ბიურო. ფრაქციას უფლება აქვს საკრებულოს ბიუროს ამ გადაწყვეტილების მართლზომიერების საკითხი დასვას საკრებულოს სხდომაზე. საკრებულოს სხდომა საკითხს იხილავს რიგგარეშედ და იღებს გადაწყვეტილებას სხდომაზე დამსწრე წევრთა უმრავლესობით, მაგრამ არანაკლებ სიით შემადგენლობის 1/3-ით.

5. ფრაქციის პროპორციული წარმომადგენლობის შეცვლის შემთხვევაში, საკრებულოს კომისიებსა და დროებით სამუშაო ჯგუფებში ფრაქციის წარმომადგენლობის პერსონალურ საკითხს წყვეტს შესაბამისი ფრაქცია.

6. ფრაქციის წარმომადგენელს საკრებულოს სხდომაზე გააჩნია სიტყვით გამოსვლის რიგითობა ფრაქციის გარეშე წევრთან შედარებით.

#### **მუხლი 4. ფრაქციის სტრუქტურა და საქმიანობის წესი**

1. ფრაქციის უმაღლესი ორგანოა ფრაქციის სხდომა.
2. ფრაქციის სხდომა, როგორც წესი ღიაა. ფრაქციის სხდომა ფრაქციის სრული შემადგენლობის უმრავლესობის გადაწყვეტილებით შეიძლება დაიხუროს.
3. ფრაქციის სხდომა მოიწვევა კვარტალში ერთხელ მაინც ან საჭიროებისამებრ. ფრაქციის სხდომის მოწვევის უფლება აქვს ფრაქციის თავმჯდომარეს საკუთარი ინიციატივით ან ფრაქციის წევრთა უმრავლესობის წერილობითი მოთხოვნის საფუძველზე.
4. ფრაქციის სხდომა უფლებამოსილია, თუ მას ესწრება ფრაქციის წევრთა სრული შემადგენლობის უმრავლესობა.
5. ფრაქციის სხდომის დღის წესრიგს ადგენს და დასამტკიცებლად წარუდგენს ფრაქციის სხდომას ფრაქციის თავმჯდომარე.



6. ფრაქციის სხდომა დღის წესრიგს ამტკიცებს ფრაქციის სხდომაზე დამსწრე წევრთა უმრავლესობით.
7. დღის წესრიგში ცვლილებების შეტანის ინიცირების უფლება აქვს ფრაქციის წევრს. გადაწყვეტილება მიიღება ამ მუხლის მე-6 პუნქტით დადგენილი წესით.
8. ფრაქციის სხდომაზე გადაწყვეტილებები მიიღება დამსწრე წევრთა უმრავლესობით.

#### **მუხლი 5. ფრაქციის სხდომის უფლებამოსილება**

ფრაქციის სხდომა უფლებამოსილია:

ა) შეიტანოს ცვლილებები და დამატებები ფრაქციის წესდებაში;

ბ) მიიღოს გადაწყვეტილება საკრებულოს სხდომაზე განსახილველი საკითხის შესახებ ფრაქციის ერთიანი პოზიციის გამოხატვის თაობაზე.

გ) აირჩიოს ფრაქციის თანამდებობის პირები;

დ) გადაწყვიტოს ფრაქციის საქმიანობასთან დაკავშირებული ცალკეული საკითხები;

ე) გადაწყვიტოს ფრაქციის წარმომადგენლობის კვოტების გამოყენების წესი;

ვ) შეიმუშაოს ფრაქციისთვის გამოყოფილი თანხის ხარჯვის წესი;

ზ) განიხილოს და გადაწყვიტოს ფრაქციაში საკრებულოს წევრთა გაწევრიანებისა და ფრაქციიდან ფრაქციის წევრის გარიცხვის საკითხი;

თ) განახორციელოს საკრებულოს რეგლამენტი და საქართველოს კანონმდებლობით, ასევე ამ წესდებით გათვალისწინებული სხვა უფლებამოსილება.

#### **მუხლი 6. ფრაქციის თანამდებობის პირები და საქმიანობის ორგანიზაცია**

1. ფრაქცია თავისი შემადგენლობიდან, ფრაქციის სხდომაზე ფრაქციის წევრთა სრული შემადგენლობის უმრავლესობით, ღია კენჭისყრით ირჩევს ფრაქციის თავმჯდომარეს.
2. ფრაქციის თავმჯდომარე:
  - ა) ხელმძღვანელობს ფრაქციის საქმიანობას;
  - ბ) წარმოადგენს ფრაქციას საკრებულოში, საკრებულოს სხდომაზე, საკრებულოს ბიუროს სხდომაზე;
  - გ) იწვევს და წარმართავს ფრაქციის სხდომას;
  - დ) ახორციელებს კანონმდებლობითა და წესდებით გათვალისწინებულ სხვა უფლებამოსილებებს;
3. ფრაქციის თავმჯდომარეს უფლება აქვს ნებისმიერ დროს გადადგეს ფრაქციის თავმჯდომარის თანამდებობიდან.
4. ფრაქცია უფლებამოსილია გადააყენოს ფრაქციის თავმჯდომარე დაკავებული თანამდებობიდან თუი ამას წერილობით მოითხოვს ფრაქციის წევრთა უმრავლესობა. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის თავმჯდომარე გადაყენებულად ჩაითვლება თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.
5. ფრაქცია თავისი შემადგენლობიდან, ფრაქციის წევრთა უმრავლესობით, ღია კენჭისყრით ირჩევს ფრაქციის თავმჯდომარის მოადგილეს.
6. ფრაქციის თავმჯდომარის მოადგილის კანდიდატურის დასახელების უფლება აქვს ფრაქციის თავმჯდომარეს.
7. ფრაქციის თავმჯდომარის მოადგილე:

ა) ფრაქციის თავმჯდომარის დავალებით ხელმძღვანელობს ფრაქციის საქმიანობის ცალკეულ მიმართულებებს;

ბ) ასრულებს ფრაქციის თავმჯდომარის მოვალეობას მის არყოფნისას ან მისი პირდაპირი დავალებით;

გ) საკრებულოს ბიუროს სხდომაზე ფრაქციის თავმჯდომარის საპატიო მიზეზით დაუსწრებლობის შემთხვევაში ხმის უფლებით დაესწროს ბიუროს სხდომას.

8. ფრაქციის თავმჯდომარის მოადგილე შეიძლება გადაყენებული იქნეს დაკავებული თანამდებობიდან თუ ამას მოითხოვს ფრაქციის თავმჯდომარე ან ფრაქციის წევრთა სრული შემადგენლობის ნახევარზე მეტი წერილობით. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის თავმჯდომარის მოადგილე გადარჩეულად ჩაითვლება თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.

9. ფრაქცია თავისი შემადგენლობიდან ფრაქციის სხდომაზე დამსწრე წევრების უმრავლესობით, ღია კენჭისყრით ირჩევს ფრაქციის მდივანს.

10. ფრაქციის მდივანი:

ა) ასრულებს ფრაქციის თავმჯდომარისა და მოადგილის დავალებებს;

ა)<sup>1</sup> ასრულებს ფრაქციის თავმჯდომარის მოვალეობას მისი პირდაპირი დავალებით;

ბ) ხელმძღვანელობს ფრაქციის შიდა ორგანიზაციული საქმიანობას.

გ) ახორციელებს სხვა უფლებამოსილებებს.

11. ფრაქციის მდივნის გადარჩევა შესაძლებელია ფრაქციის თავმჯდომარის ან ფრაქციის წევრთა ნახევარზე მეტის წერილობითი მოთხოვნით. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის მდივანი გადარჩეულად ჩაითვლება, თუ გადაწყვეტილებას მხარს დაუჭერს ფრაქციის სხდომაზე დამსწრე წევრების უმრავლესობა.

### **მუხლი 7. ფრაქციის შემადგენლობა**

1. ფრაქციის წევრი შეიძლება გახდეს საკრებულოს წევრი, რომელიც იზიარებს ფრაქციის პოლიტიკურ პლატფორმას და წესდებას.

2. ფრაქციაში გაწევრიანებისათვის საკრებულოს წევრი განცხადებით მიმართავს ფრაქციის თავმჯდომარეს, რომელსაც საკრებულოს წევრის ფრაქციაში გაწევრიანების საკითხი შეაქვს ფრაქციის უახლოესი სხდომის დღის წესრიგში, რისთვისაც ფრაქციის სხდომას მოიწვევს არაუგვიანეს ერთი თვისა განცხადების წარდგენის დღიდან.

3. ფრაქციაში საკრებულოს წევრის გაერთიანების შესახებ გადაწყვეტილება მიღებულად ჩაითვლება ფრაქციის შემადგენლობის უმრავლესობის მხარდაჭერით.

4. ფრაქციის წევრი ვალდებულია:

ა) დაიცვას ფრაქციის წესდება;

ბ) დაიცვას ფრაქციის სხდომის მიერ მიღებული გადაწყვეტილებები და ფრაქციის თავმჯდომარის მითითებები.

გ) არ განახორციელოს ფრაქციის პოლიტიკური კურსის საწინააღმდეგო ქმედება;

5. ფრაქციის წევრი უფლებამოსილია საკრებულოს დებულებით დადგენილი წესით გავიდეს ფრაქციის შემადგენლობიდან;

6. ფრაქციას უფლება აქვს სრული შემადგენლობის უმრავლესობით მიიღოს გადაწყვეტილება თავისი შემადგენლობიდან ფრაქციის წევრის გარიცხვის შესახებ თუ:

ა) მისი საქმიანობა ეწინააღმდეგება ფრაქციის მიზნებსა და ამოცანებს;

ბ) განზრახ ან არასაპატიო მიზეზით სისტემატურად არღვევს ფრაქციის წესდების მოთხოვნებს;

7. ფრაქციის წევრის ფრაქციიდან გარიცხვის მოთხოვნის უფლება აქვს ფრაქციის თავმჯდომარეს ან

ფრაქციის სრული შემადგენლობის ნახევარზე მეტს. ფრაქციიდან ფრაქციის წევრის გარიცხვის მოთხოვნა წერილობით უნდა იყოს დასაბუთებული.

**მუხლი 8. ფრაქციის წესდების გადასინჯვა**

1. ფრაქციის წესდების ზოგადი ან ნაწილობრივი გადასინჯვის ინიცირების უფლება აქვს ფრაქციის თავმჯდომარეს, ფრაქციის არანაკლებ 2 წევრს.
2. ფრაქციის თავმჯდომარე ვალდებულია წესდების ზოგადი ან ნაწილობრივი გადასინჯვის პროცესში გააცნოს ფრაქციის ყველა წევრს და საკითხის ინიცირებიდან ერთი თვის ვადაში იგი შეიტანოს ფრაქციის სხდომის დღის წესრიგში.
3. ფრაქციის წესდების ზოგადი ან ნაწილობრივი გადასინჯვის შესახებ გადაწყვეტილებას იღებს ფრაქციის სხდომა, თუ მას მხარს დაუჭირს ფრაქციის სრული შემადგენლობის 2/3.

**მუხლი 9. ფრაქციის გაუქმება**

ფრაქცია ჩაითვლება გაუქმებულად, თუ ფრაქციიდან წევრთა გასვლის ან გარიცხვის შედეგად გაერთიანებული დარჩება ფრაქციის 3 წევრზე ნაკლები.

ფრაქციის თავმჯდომარე:



ლელა ჩახვაძე